

جریدہ علمیہ

مشتبت جلد اسلیمیک جریڈہ رسمید

جمادی الآخرۃ سنہ ۱۳۳۹

عدد ۶۶

شمذیلک آیدہ بر نشر اولور

آلتجی سنہ

فتاویٰ شریفہ

تجهیز و تکفین

زید فوت اولوب زوجہسی ہندی وقیزی زینبی ترک ایتدکده زینب زیدک تجهیز و تکفینہ کندى مالندن قدر معروف شو قدر آچہ صرف ایلسہ زینب مصروفنى زیدک ترکہ وافیہسندن آلمغہ قادره اولورمى الجواب اولور .

* *

نکاح

زید قونداشى عمرو متوفانک زوجہسى ہندی بعد انقضاء العده تزوج ایتک جائز اولورمى الجواب اولور .

* *

محرمات

زید زوجہسى ہندک لابوین عمہسى زینبی تزوج ایدوب ہند ایله جمع ایتک جائز اولورمى الجواب اولماز .

* *

خیار بلوغه فسخ عقد

ہند صغیرہ بی ولی اقربى لابوین عمی زید شہود محضر لرنده مهر مثیلہ کفوی عمروہ تزویج ایتدکده صکرہ ہند بالغہ اولدیقى آندہ نفسی اختیار و اشہاد ایدوب خیار بلوغه عقد منہجوری عمروک حضور نده حاکمہ فسخ ایتدر مکہ قادره اولورمى الجواب اولور .

* *

رضاع

زید هندی تزوج ایتد کد نصکره زید و هند رضاا قرداشلر اولدینی وجه شرعی اوزره ثابت اولسه هند زیددن تفریق اولنقی لازم اولورمی الجواب اولور .

* *

طلاق

زید قهوه و توتن و نارکیله ایچر سه شطرا ولسون دیوب اشیاء مذکور دن هر هانکی سنی ایچر سه دیو نیت ایتد کد نصکره قهوه ایچسه مجرد قهوه ایچمکه زوجیه سی هند زیددن بوش اولورمی الجواب اولور .

* *

عدت

زید هندی تزوج ایتد کد نصکره قبل الدخول و الحلوه زید هندی تطلیق ایسه هند عدت لازمه اولورمی الجواب اولماز .

* *

بیع مریض

زید مرض موتنده ملک منزلی زوجیه سی هنده ثمن معلومه بیع ایتد کد نصکره فوت اولسه سائر ورثه سی بیی طو تمیوب اول منزلی میرانه ادخاله قادر اولورلرمی الجواب اولورلر .

* *

اعاره

هند الماسلی اکنه سی زینبه اعاره و تسلیم ایتد کد نصکره هند اول اکنه یی زینبدن طلب ایتد کده زینب بغیر وجه ویر مامکه قادره اولورمی الجواب اولماز .

* *

هبه

زید ملک منزلی زوجیه سی هنده هبه ایدر اولد قده بن سندن اول فوت اولورسم منزل سنک اولسون سن بدن اول فوت اولور سک منزل ینه بنم اولسون دیوب بوجهله هبه و تسلیم ایسه هبه مزبورده صحیح اولورمی الجواب اولماز .

* *

شفعه

یری مقاطعه‌لی وقف و بناسی ملک اولان منزله زیدو عمرو اشتراك اوزره متصرفلر
ایکن زید حصه‌سی بکره بیع و تسلیم ایلسه حالا عمرو اتحاد شفعه ایدوب اول حصه‌ی
شفعه ایله بکردن آلمغه قادر اولورمی الجواب اولماز .

* *

عزل وصی

زید متوفانک اولاد صغارینک وصی منصوبی اولان عمروی لمصاحه قاضی وصایتدن
عزله قادر اولورمی الجواب اولور .

کتابه الفقیر طرسوسی زاده
محمدنوری مدنی
عفی عنهما

اجوبه شرعیه

ارث

ضیاءالدین امضالی ۱۷ مایس ۳۳۶ تاریخنده فتواخانه‌یه بالورود ، ورثه کبار ملک
و اجارتین و مقاطعه‌لی وقف اولان املاک و اراضیده کی حصه شایعه‌لرینی صغیرک مالندن
اولنجیه قدر کوروب کوزتمک شرطیه و صیسنه صغیر ایچون فراغ ایدوب برمدت
مرورندنصکره ورثه منبروره فراغ واقعدن نادم اولوب حصه‌لرینی استردادده قادر اولوب
اولمیه جققرینه دائر واقع اولان استفتایه جوابدر :
§ ورثه منبرورون حصه‌لرینی استردادده قادر اولورلر .

* *

طلاق

رشدی امضالی ۳ تشرین ثانی ۳۳۶ تاریخنده فتواخانه‌یه بالورود ، زید ناموسه متعلق
براسناد سبیلله اوغلم عمرو کوزیمه کوریمسون کورینورسه قتل ایدرم قتل ایتمزسه مزوجه‌لم
بوش اولسون دیدکدنصکره اسناد مذکورک غیر واقع اولدینی تظاهر ایتمش وزیدده
عمرویی کوردیکنده قتل ایتماش اولسه زیدک زوجهلری بوش اولوب اولمیه جغنه دائر
واقع اولان استفتایه جوابدر :